

施行

已分家財不許告爭賣絕田地不許告贖
其有辱罵捏告勘問官者照刁徒處置例
成化五年十月初八日刑部尚書陸 等

題爲陳言事山東清吏司案呈奉本部送兵科抄
出本科糾給事守官叅題一件革幹以安良民臣
聞書君陳有曰祖子行完敗常亂俗三細不看
此成王之意蓋欲革弊奸以安民也易之訟掛
象曰君子以作事謀便蓋官君子知人情有爭
訟之道故謀始以絕其端訟無由生矣切見各
處刁徒捷興詞訟打撓官府訴害良善不得共
生原其所自多內爭分家財田土等項細故遂
成大獄有因上祖以來分居以定止於子孫不
肖又行捏告初分不均若有憑親族罵立分書

分居年久又行覲詞告要重分者有將田產絕賣與人已得實價過割年遠又行告贖者此等刁潑甚至買囑官吏不辦事非徇私枉斷良善不無受害亦有公正官員勘問叅駁其事允當別無偏私其刁潑之徒不遂奸計中心懷恨待至事結出外輒將經該官員當該辱罵或捏詞告害者有之此誠所謂奸宄敗俗之人必謀始以絕其訟可也如蒙乞

勅法司計議出榜禁約仍通行內外衙門如有告爭財產等項詞訟務要從公勘理驗其分書文契如果分居五年之上及田地已經實賣過割者各照原立合用分書及賣與斷令照舊管業不許重分再贖不許所司听屬枉斷及各該官員勘問

叅駁事情允當而刁徒挾仇辱罵及捏告排陷

省將所情詞不分虛實立案不行仍將刁徒從

重問罪厥使紀綱振肅良善安生而刁風息矣

開坐具題奉

聖旨該衙門知道欽此欽遵抄出送司查得在外軍民詞訟俱要自下而上將干已實情訴理如有故違驀越奏訴者通行問擬違例罪名發回本管官司勘問原詞從重歸結若是虛誣立案不行已有見行事例今抄出前因案呈到部叅照兵科給事中官榮奏稱各處刁徒健典詞訟多有爭分家財地土等項細故遂成大獄有因父祖以來分居已定至於子孫不肖之行捏告物分不均者有憑親族罵立分書分居年久捏詞告要

重分者有將田產絕賣與人已得實價過割年
遠又行合贖者此等刁徒甚至買漏官吏徇私
枉斷良善受寔亦有公正官員勘問參駁其事
允當別無徇私其刁徒懷恨待至事結出外輒
將經該官員當該辱罵或捏詞告寔要行出榜
仍通行禁約一節緣此等刁徒平日不務本等
生理遊手好閑家財未盡田土賣無衣食不給
奸計百端致將父祖以來家財等項分居已定
捏告初分不均親族寫立分書分居年久却捏
稱某人偏向又要重分田產賣絕與人先得價
輕告要取贖展轉與詞撓擬官府欺害良善誠
如給事中官榮所言合無准其所言不須出榜
本部通行內外間刑衙門禁約如有爭告家財

房屋田土等項詞訟務要從公勘理若由父祖
以來分居已定親族寫立分書明白及田產已
經實賣過割遠年者悉照原立合同分書賣契
斷令照舊管業不許重分再贖原問官吏不許
听囑枉斷事發一体治罪若公正官員勘問事
情允當刁徒懷恨辱罵捏詞告寔就便拿問如
律所告情詞不問虛實立案不行在外軍衛有
司仍呈本管上司照依刁徒事例處置如此則
刁徒知惧良善獲安緣係事例及奉

欽依該衙門知道事理未敢擅便具題次日奉
聖旨是欽此